


A Monthly Christian Magazine

AN ORGAN OF THE ZOU PRESBYTERIAN CHURCH SYNOD

Khristian Tangkou

Vol. 56 || No. 1 & 2

January & February 2020



Editor: Rev. Khamchinkhai

Synod Kumpuon:

Thukhenna dih leh dihtatna khu tui bang in luong hen (Amos 5:24)

Khristian Tangkou

Vol. No. 55 || Issue No. 11 || November, 2019

Editorial Board

Editor : Rev. Stephen Chinzathang - 9863042789
ct_stephen@yahoo.com

Joint Editor : Rev. Khamchinkhai - 8730933744

Cir. Manager : Upa Jamsianmung - 9862088615
sianmung@rediffmail.com

Bus. Manager: Upa Kamgenpau - 8974612937
Shie T. Ginzahau - 8974438842

Cont. Editors : Upa Khupsuankham - 9868406454
Rev. Awnkhankhup - 9862828921
Rev. Dr. Hangpi Maunlun - 9862910875
Rev. Kaimuanlal - 9862923960

ZOU SYNOD ULIENTE

• Moderator:

Rev. Hangpi Maunlun

• Moderator Elect:

Rev. Zamlianpau

• Secretary (Sr):

Upa M. Liensuonkap

• Secretary (Jr):

Upa Kapkhanthang

• Treasurer:

Upa Chinsuanthang

• Statistician:

Upa T. Langkhanmang

• Executive Secretaries:

Rev. Stephen Chinzathang

Rev. Khamchinkhai

A sung thu

- Editorial..... 01
- Thu tuomtuom & Thumpi ding..... 03
- Report..... 06
- Hing pieng ding Jesu 08
- Khristmas lungsim 12
- Immanuel 14
- Pastor leh Sangshiete 16
- Presbyterian Church of India 18
- Suunna 21
- ZPWF Column 22

Copies - 1200

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod
ngaidan ahi kimsih a, a suotute'n maw
a kipuoh chiet ding uhi.

Thusuo dingte Editor kung a pieh
ding ahi.



Khristian Tangkou Simtu zouzie nabon un Kumtha chibai ka hing buh hi. Mangpa Pasion mapuina hoitah tami kumthah 2020 in nang leh na innsung mite leh na nasepna, na sep na bol ua na School kainate ah Mangpa'n hing umpi zing henlen na ma hing pui taken.

Tua ahi lai in tu kumtha thupi ding tami toh pangkhawm in pan la lei chi iki deisah hi. A thupi ahileh (Life is not hard you are just self) Hin khu a hamsa ahisih a nang pen a nem talua hikha vate chi toh iki hanthawn in 2020 buon vai.

A hin khuo a hamsa ahisih chipen Mangpa Pasion muon ngamna ah pan la lei chi in ka gel hi. Mihing khat pou in maban a ding gelkhollou a gam tang koima a ki um sih hi achi na in Pa in a innsung kumteng ding in pan ala hi. Laisim ten zong kumteng a ding a sang (School) kai ahi uhi. Nasemte lou nasem ten zong kumtop chieng a bang zat a mu ding kinem ahi uhi. Tuabang ma in ei gingtute zong huntawpchienga bang ahiei Pasion masang a i tan ding uh chi kinem ihina toh Pasion bie ihi uhi. Tua ahilai in koi tobang in a bul tung a kipan hoilou a atawp chieng a hamphatna nga ding a kinem pawl i um ding uhi. Ahi tuabang pen hithei lou ahi ziehin a koi akoi zong tua kumthah abul a ding ihina uh toh kitawn in pan la chiet vau. Koi tobang lam-et lai a thase den a apei leh a vaitung hah hi. Tua ma bang in kumtha pen abul hoi tah a pan chiet a Pasion toh zawh khawm a Pasion thuguh kemte pen apil vang ua zong ataima ding uh ahi. Tua ziehin Kum 2020 pen

thase lou kei in buon tou va ui. Pasion toisang in hindan lamthah in Hattuom ten Pasion suitha in eima chiet ah Mangpa pahtawi vai. Kipah kawm in Mangpa nna sem thavai.

Mangpa'n simtu zousie te hing guolzawl taken.

Kumtha chibai.

Thu tuomtuom leh Thumpi dingte



01. Pasion hoina leh a khut hat a kepbitna toh mi sangtampi ten mu nuom leh tang nuom mama nanleh shina haan muol a hing liemsan nua un kumtha meel kipah huoitah hing musahtu avanglien Mangpa min loupi phatkawm in Ama thupina zousie i pemasa uhi.
02. Thumsahna: Kumtha meel imu utoh kiton in Pasion nna isepna lam tuomtuomte khawl maithei ahi sih a, khum bang ahi ziehin ineh suinate, i siemzilate, isum suinate, Pasion kung ah lawchinnate, lamzannate ngen vaui.
03. Zou Synod Pastor General Transfer: Zou Presbyterian Church Synod a 16 vei Session khawmpi thuphasah bang in tukum Pastor nnasemte General transfer kum ahia, khum nah anai agamla, anuom ahamsa, chilou a Session thupasah bang zel a Pasion in ang hatna thei kawm a lungkim tah a i post tha ding uah kitol lut chiet dingin hanchiem chiet ulei chi i thumna uh ahi. Mangpa'n lamchinteng ah mapui in umpi chiet taken....!

04. Pastor kilathate: A 16th vei Zou Presbyterian Church Synod in Presbyterian Church of India Tuining ah Pastor piching ding in mi - 2 Pastor Khupsianlal leh Pastor Kamminthang te Pastor piching hiding in Synod Session khawmpi in Ordination pie uhi. Tualeh Pro. Pastor ding in mi -2 Mr. Gouginsang M.th leh Mr. Suongliankap B.D te Synod Session khawmpi in Confirmation bawl uhi. Amaban uh tahsa hagau a alampeina ding uh thumna toh bawzui chiet vaui. Amaute zieh a igam in tahsa, hagau a Khanlawna leh halthana a tanna uh siempi ang hi theina ding un zong thumsah zing vaui.
05. Pastor tha te Orientation: Apeisa December 04, 2019 niin Synod Office Bearer te Pastor piching a mi 2 Rev. Khupsianlal leh Rev. Kamminthang leh Pro. Pastor a kisiem mi 2 P/P Gouginsang M.th. s/o Upa Gouzamang Central Church leh P/P Suongliankap s/oUpa Goukhanthang, Zomi Bethel te maban panlah ding dan ORIENTATION neipi uhi.
06. Synod Mission Conference: Pasian hoina leh mapuina kilam enkawm in ang tung ding February 07-09, 2020 sung in Presbyterian Church of India Lailamveng ah Mission & Evangelism thuphasah dungzui in Synod Mission Conference um ding hi. Thupi: “Mangpa Pasian ua nei nam a hampah uh”... Thum in... kisa khol in ! Tel in....!
07. ZPWF Seminar khawmpi: Pasian hoina leh mapuina muongkawm in ang tung ding March 13th-15th, 2020 Presbyterian Church of India, Tuibuang ah Seminar khawmpi um ding hi. Thupi: “Tuachiin ka damsung nite uh simdan hing hil in, pilna lungtang ka neitheina ding un” chi ahi (Late 90:12).
08. PYF Seimnar: Dated 11th December 2029 niin PCI huopa Presbyterian Youth Fellowship Seminar Ribhoi Synod ah nei zosuta uh. Hinanleh total shutdown aum ziehin ei Synod min in koima hawthei nonlou uhi. Topic: “Leadership and Entrepreneurship” chi thupi pansan uhi. Resosource Person: 1. Rev. D.C. Haia, leh Dr. Laldinliana Varte te ahi uhi.

09. Thumsahna: Zou khosuona gam leh muol kem HAUSATE dihtatna toh kilamtha a taga genthei chimawte kem leh enkol a ang gasuo chietna ding un thumsah vaui. Tualeh khotaga te ittah a enkol a amaute a ding guoljawlna tuntu ang hi thei chietna ding un.

10. Pastor Transfer and Posting 2020: A 16 vei Synod Session khawmpi thuphasah bangin Synod huong sunga Pastor te term khat sem dingin tam anei a bang in suonkuol (transfer) ahi uhi. I pawlpi kingahnate ahi uh chi manghil lou in bang hun ah zong thumna toh bawzui chiet vaui.

No.	Pastor	Post lui	Post tha
1.	Rev. Stephen Chinzathang	Office	Lentang District
2.	Rev. P.C. Manga	Imphal District	Lamka District
3.	Rev. Khamchinkhai	Office	Office
4.	Rev. Khupkhansuan	Tuivai District	Imphal District
5.	Rev. Dr. Hangpi Manlun	Zoutang District	Office
6.	Rev. Kaimuanlal	Tuiningkual District	Delhi
7.	Rev. Ginzalal	Singngat District	Gunpang District
8.	Rev. Khamminlian	Delhi	Suolam District
9.	Rev. Zamlianpau	Lamka District	Central District
10.	Rev. Kapsuanthang	Suolam District	Singngat District
11.	Rev. Mangmuanthang	Singngat District	Tuiningkual District
12.	Rev. Lamsunthang	Central District	Zoutang District
13.	Rev. Thangboi Khongsai	Gunpang District	Tuivai District
14.	Rev. Ginlianmang	Bangaluru	Bangaluru
15.	Rev. Khupsianlal	Shillong	Shillong
16.	Rev. Kamminthang	Chennai	Chennai

Pro. Pastor Dist. Confirmation kibawlte:

No.	Min	Pamin	Post
1.	P/P. Giouginsang M.th	Upa Gouzamang	Aina
2.	P/P. Suangliankap B.D.	Upa Goukhanthang	Maukot

11. Thumsahna: Kumtha meel imu utoh kiton in ipawlpì sung a Khanglai te BSEM & COSHEM nuoi a Class X & XII Board Exam pe dingte a din thumsah vaui. Tualeh Outside manipur tan a Competitive exam pedia kisakhol te adin zong thu ngetpieh vaui. Maban ah Pasian in ami siengthoute thumna hing dawng in Result hoipi pi itan ding uh zong i lamet zing uhi.
12. A 16 vei Synod Session khawmpi thuphasah bawzuina toh ang tung ding January 20,2020 chiengin Synod huong sung a Pastor teng in a station tha chiet uh luo tading uhi.
13. A 16vei Session khawmpi thuphasah umsa bangin Synod Executive Secretaries lui leh tha kihenna (incharge) ang tung ding January 22, 2020 chieng in um ding hi.
14. Thumsahna: Synod theipi a Laisiengthou zillai ineite Trulock Theological Seminary (Imphal) leh Manipur Theological College (Jorhat) B.D. Student mi - 10 inei te adin ana thum zing vai. Bible theina mai hilou a, hagau lam a hattuomte chawmtu leh vahtu ang hi thei chietna ding un.
15. Pro. Pastor induction Service: Pasian hoina leh mapuina toh a 16 veiSynod Session khawmpi thuphasah bawzui natoh ang tung ding January 19, 2020 (Sunday) chieng in i/c Pastoral Committee panlahna toh Pro. Pastors Mr. Gouginsang M.th. Aina leh Mr. Suangliankap B.D Maukot asem dingin induction Service kibwl ding uhi.

CORIGENDRUM

1. Awnchinkap Sawm a khat Rs. 1,08,706 pen Rs. 7,44,179 chi hizaw ding.
2. Paspati School fee 20,000 kichi pen Mangjing chi ding hizaw.
3. Tuibuong Tangkou fee Rs. 1000/- kichi pen Rs. 4700/= hizaw.

REPORT ON GOSPEL CAMPAIGN & ADVENT CHRISTMAS 2019

Date 22nd 2019 niin Synod Mission & Evangelism saina in Paspti Field in Gospel Campaign leh Advent Christmas nei uhi. Theme: "Joy to all the nation" (Luk 2:10) Speaker: Pastor Binod Adikari Special No. 1) Joseph, 2) Rebeka, 3) Asha, 4) Joty, 5) Mariamte ahi

Mi 80 vel peikhawm in Pasion thu leh laa a kipollim mama uhi. Zingkal leh nitah ann zong nekhawmpi uhi. Pasion zal in Programme lawching tah leh khela pumpum inn zouta uhi. Pasion in thupina tang hen...!

Report petu

Evan. Bhim Prasad
Paspati Mission Field

HUN THA AH

Upa P. Khamminpau
S. Vengnuom
Local Chairman

Amasapen in hichiang thu genthei ding a hinna leh damna hun hoi leh hun manpha hing musah leh hing tangsahtu i Bieh Van Psian in minthanna leh lalna te tang taken. Kumte hate hunte nite silbang hing pei zel in hinanleh lungzuon lungngai lunglenna leh dahna ten nitha leh hathah ten ahing thasah zel ahi man in tamte hei a hing kipan ahei ichi chieng Pasion a kipan ahiman in i Bieh Van Pasion thupina tangta hen.

Nite hate kumte natang zel ua, natung ua ka sepgimna athawn ahikhah ding ka zau hi. Galatia 4:10 Sawltah Paul in Galatia Hattuum mite kung ah alai hah ahi. Tamte Pasion hoina leh chitna zieha damtheina kipahna leh lungnopna khovel sum leh pai in alei theilou itan uh ahiman in Pasion ei dingin ahoi taluo hi. Hallelujah Pasion phat in um ta hen.

Tuhipi leh phavang doupi leh phalbi kumlui leh kumthah te tuo kikal ah Hattuumte i ding lel ihmman un atung athumapui a kumte nite hate hing pel zel in chi toh kizoiton in kum 2019 kum Khristmas bang hing nam hieihiei ta ahiman in.

Bible thu a kikap khawm ding a kang tang tel ahileh atung in thu aum hi chi Khantanhohi John 1:1 pansan in Pasion thu saulou kikum khomlei chi ihi.

Khatna ah: Atung in thu a um a thupen Pasion kungah aum hi. Tualeh Pasion a umkhawm hi John 1:1 Pasion in thutoh na zousie ana siem hi. Thu ichi chiengin atung nailou leh akimunailou pen thu in ana hilel hi. Thubul 1:1-3 tuachin vah hing um hen achia tuachin vah ahing umta thu toh vah hing um hen achi leh vah ahing um a tua pen thu ahi. Pasion in na asepe ding chiengin thu ma tel ngeingei in ana siem hi. Tuachin Pasion in sun leh zan khen na dingin Vanthamjawl ah tanvah ding um hen len tuate khu achiente nate hunbite nite kumte thei na ding hi uheh (tang) 14.

Nina ah: Etsahna ding in mihing khat ahing pienna ding in Nu

leh pa zileh ta akinei chiengin mihing ang suoh a tua nuta tua pat a chi in min leh puom akiphuoh hi. Pasion in mihing a siem ding eima lim leh kibatpi in mihing ibawldia Thubul 1:26. I Mangpa Jesu Khrist ngei zong ang pien dingin Johan in atung in thu a um chi ana tang koupai hi. Kei nua a hing pei ding pa khedap khau suttah zong kahi sih hi chin Johan in chieng tah in ana gen hi.

Thumna: Jesu Khrist zong ang pien dingin bang thu ana kigen ei, ama a mite kung ah a hing pei a amiten akipahpi sih hi. A pieng ding chi Jawlneiten ana gen lohma sah uhi. Jawlnei khenkhatten ana kipah pih sih uhi. Thu pen sa hing suoh a hepina leh thutah a dim in ilah uah ahing teng tahi. Athupina pat a nei sun thupi bangin athupina imu uh hepina leh thutah in adim hi. Johan 1:14 Tu in unaute aw ihundamna tel tah in imu chieng na uoi mu chieng nailoupi ihi khah ding uh leh kivel chiengtha ni Jawlneiten Mel in ana mu som uh hinanleh amu sih nang leh kei pen in ginna toh imu uh ihmman in hampaha hina lawmlawm hang e, Hallehluijah Pasion phat in umta hen.

Lina: Tua hunlai in Jerusalem khuo ah mikhat a min Simeon a um a ama mi dihtat leh mi kipumpieh khat ahi Israelte hundamna ding a ngah gige hi. Hagau siengthou in ama a umpi hi. Mangpa chiemsa Khrist a mu ma in ashi sih ding chi ama theisah zou hi. Mangpa tun na thu bangjel in nasuoh lungmong in peisah ta in ka mit ngei in na hundamna ka muta hi Luk 2:30 Simeon in hundampa Jesu Khrist amu chieng mama hi.

Ngana: Eiten Hundamna imu chieng leh Pasian toh kigam la hieihiei mai nuasiet ding paikhiet ding tam ding tampi um a huoihamna hausatna nei leh lam tampi deina leh ki thupisahna leh ki letsah kihisah te ki mu a sia gam lou hi. Simeon in Mangpa ka mit in na hundamna kamuta na suoh lungdam tahin peisah tan chipa toh idinmun iki et leh chieng in kinah khiet seng hi ahivang

in unau aw, Na suoh shi ta vang chi in leitung ah bangma khieh la ding anei sih hi. Hundamna chiengtah a amute a dingin mi kamsie hingailou ding amihampha pen hiding hi. Miten hundamna a nga chiengin hinsang in shi ding tel zaw uhi eiten zong ishipi ngamna diei Khantanhoi thu zieh a shi tam luo petma ta hi.

Guhna: Hinanleh ama hing kikoi ngiem in, suoh bang in ahing um a, mihing bang in ahing pieng hi (Philipite 2:7). Thu pen sa hing suoh in eite lah ah ahing um hi. Aw Jesu tuni in koute lungsung ngaisutnate ah hing teng in len mun hing luo in chia thum hun hita ahi. Tukum 2020 kum hi bang chin na zah som ei hing piengthah in len ka kum tawn mang dingin chi in ngaituo vai athu igente leh isimkhiette athu neipan itan chiet a ding hing guoljawlta hen.

Suhdihtna

Khristian Tangkou December 2019 Issue a Tunnu Limbel (Orphanage Home) a Naupangte puonlum ding bag-3 petu Shillong Hattuum kichi pen Upa Kaichinpau tanu **Mrs. Lunnu** leh apasal **Captain Gideon** chi ding ahizaw hi.

Suhkhienla tung ah ngaidam i kingen uhi.

GUALJAWLNA KUM MAW, SAPSIETNA....?

- Pa Khaiminlian

Asst. Professor

Lailam veng

A itna zieh a Kumtha 2020 meel hing musah I Mangpa thupina zousie pe masa in simtu deitahte zousie itna toh kumtha chibai ka hing buh hi.

Kisimnabu 13:1-2: “Tualeh Mangpa’n Mosi a houpi a, a kungah, 2. Israel tate kunga KA PIEH Kanaan gam va enkhe dingin mi sawl in: Israel nam sawm leh ni te lah a lamkai, phung chin a vaihawmpa chiet na sawl ding ahi”, achi hi.

Mangpa’n a silbawltheina tungtuong toh Ami Israelte a dingin suotatna loupitah siemsah in gamchiem kanaan gamgi kadesh mun a hing puitung hi. Tammun ah Mosi kungah “Ka mi Israel tate kunga KA PIEH Kanaan gam va enkhe dingin mi sawl in” achi hi. Tam gam va ma etkhiet ding khu Israel mite akipat hing kipan masa, Mangpa’n athukimpi ana hizaw hi. Mosi in Israelte kunga Mangpa na pu leh pate uh Pasian in ahing pieh gam valuo ta un achi lai in amaute’n agam umdan va enkhie a, khopi tanchin hing hil ding mi imasang ah sawlvai ana chi uh ahita hi (Danpiehnina 1:21-22). Tuachin phung chin apat lamkai khatchiet; Shammua,

Shapat, Kaleb, Igal, Joshua, Palti, Gaddiel, Gaddi, Sethur, Mikael tapa Sethur, Nabi leh Geuel, abawn a mi 12 ahi uhi.

Tamhun in eima gam neilou a hasat dan leh genthei huoi dan Israel tate khel a theisiem ding mi umlou maithei ahi. Egypt gam a suoh-leh-sal hinkhuo a theisiem mama uhi. Eima gam chithei ding gam dei leh lunggul mama zong Israelte ma hiding hi. Mangpa’n Mosi kunga Israel tate kung a Ka pieh Kanaan gam chinapi a gam enkhetu 12 ten ahing thutut uh sapsietna tuntut ahing hita hi. Ni 40 gam enkhie a atham nua un Mosi leh Israel mipite kungah ahing kile uhi. Agam etkhiet uh ahing gen ua, nawitui leh khuoizu luonna gam ahi, agam mite thahat leh

a khopite uh kulbang nei leh milien (giants) tate zong a um hi. Gam vama etkhiet ding chi khu mihing ngaituo in hoi, dih leh kilawm bang nanleh hagau mit ah dihlou hi. Mangpa'n a gam PETA ahiman in abawl ding ukhu Mangpa 'muong' a 'thuman' di ahimai hi.

Mangpa Ama ngei in ka pieh gam (13:2) achi lai in gam enkhie mi 10 te'n Mosi kungah "na hing sawlna gam" (13:27) leh "kava etkhietna gam uh" (13:32) achi ua, Mangpa hing pieh gam chivawt lou uhi. Tam mi 10 te khu a mit (eye) ua kinga ahi ua, Mangpa kammal ah akinga sih uhi. A gam ateng mite a en ua, milien Anak mite (giants) leh mi neh gam chingmi amu ua, amauh khuongbai bangin akimu uhi (13:32,33). A tenna khopite uh a en ua, kulbang nei leh thupi tah in amu uhi (13:28). Hinanleh mi 2, Nun tapa Joshua leh Jephunneh tapa Kaleb te'n tua milien Anak mite a en ua, a neh ding uh 'tanghou' in amu ua, a kulbang thupite uh bangmalou in amu uhi (14:9). Mi 10 te'n tua gam mite'n ahing negam ding uh achi lai un Joshua leh Kaleb in tua gam mite khu Israelte nehding 'tanghou' in amu uhi.

Halleluiah....!

Tam lamkai 12 te khu amu uleh atotna gam uh kibangchiet nanleh a silmu dan uh kibanglou hi. Mi 10 te'n Mosi kungah, "na hing sawlna gam", "kava etkhiet na gam uh" achi lai un Joshua leh Kaleb in "Mangpa hing pieh gam", "Mangpa a lungdam leh tuagam a hing pulut ding ahi chi uhi. Mangpa'n ka pieh Kanaan gam achi a, ka pieh ding Kanaan gam chilou hi. Tam Mangpa kammal "KA PIEH" achi ziehin Joshua leh Kaleb in tua Anak mite zong Israel tate neh ding 'tanghou' in mu ua, a kulbangte uh bagmalou in mu uhi. Tuachin Israelte lah a kikhenna ahing pieng a, Joshua leh Kaleb khu mipiite'n suong a se atum uhi. Mangpa'n athukhenna ahing puong a, "Egypt gam leh gamdai a, ka thupina leh sil lamdang bawlte mu na sasa a zong hichi pipi a sawm vei vingveng hing ze-et nalai te'n apu leh pate uh kunga kachiem gam amuvawt sih ding uhi. Ka thu a zui bukim ziehun Jephunneh tapa Kaleb leh Nun tapa Joshua alut giap ding uhi (14:22,30). Tam Kadesh a siltun nua kum 40 sung Israelte gamdai ah avahvai ua, tam kum 40 sung khu pasal kisimna a

pang kum 20 tunglamte shigam na ding a vahvaina kumte ahimai hi.

Israelte khu Egypt potsan pasal kum 20 apat atunglam khu a bawn un tul zaguh leh sawmthum, zanga leh sawmnga ahi uhi (kisimnabu 1:46). Tamteng Mangpa'n apuilut sawm hinapi in Joshua leh Kaleb bou apuilut hi. Tam pasal tul zaguh valte ahuntah a Kanaan gam alutlou nazieh uh gam enkhie/lamkai mi 10 te zieh ana hitazen hi. Lamkaite dinmun poimaw hina va ia e maw...? Gam enkhie mi 10 te i awimaw ahimaithei, Pasian silbawl thupi lamdang tahtah, tuipi san a galkaipi dante leh adang tampi mu napi a, Pasian muonglou uh chiin i ngaituo maithei.... Tam mi 10 te zieh a mi tulzaguh valte Kanaan gam lutlou chiin i mawhsah ei? Tunin Hattuum lamkaite Joshuo leh Kaleb sulnua zui sang in mi 10 te sulnua zui ihi khah ding uh zauhuoi hi. Bible ah hichiin kigiel, Pasian in hichiin gen chi theizing kawm a en eima khovel mit a imudan a sil gen a vaihawm a Hattuumte Pasian kiphinsan ding a puikhiel Hattuum lamkai a pankhah thei ahidan ahing

musah hi.

Tam Israelte lah ah Mosi, Aron, Joshua leh Kaleeb in Mangpa kammal ahibang apom ua, a gingta uhi. Mosi leh Aron in Kanaan gam a mit un ava musih ua, hinanleh Mangpa kammal agingta ua, a muongngam uhi. Gam enkhentu mi 10 te'n Kanaan gam a mit un amu ua, akeng un ava tuon uhi. Tam a etkhietlai un Hebron zong ava tuon uhi (13:22). Tam Hebron khu Israelte puipate Abraham, Isak, Jacob, Josheph leh ami masate uh naki vuina mun ahi (Genesis 23:2,19; 49:29-31etc). Tam apu-leh-pate uh kivuina mun amit mama ua mu a, akeng ua atos vang un Mangpa ah aginna uh anga tuonsih uhi. Hinanleh Kaleb leh Joshua in Mangpa kammal a gingta det zaw uhi (Joshua 14:13).

Hattuum lamkai a i panna kum 10 a sim ahita maithei hi. Committee tuomtuom a member poimaw zong ihi maithei hi. Kum hiza Chairman, Secretary mawpuohna katuh ahita ichi ahi maithei, kei panlahna a kiphutkhie, founder kahi chite ichi ahi maithei.... Tam mawpuohna itan leh isep nate ziehin hagau a liem-leh-

bai ibelamte bangza ituom dam ei, guomkuoh a kie bangza ikaikhedoh a, a gilkiel leh dangtah bangza ann-leh-tui gilvah tah in inesah a, a gamlot leh thumanglou bangza belum huong a khumlut in i thunun ei, ngie leh gamsa dangte apat in bangza i hundoh tai..? chite kingaituo chiet vai. Tamte dawnna hoitah inei nailou leh gam enkhie lamkai 10 te sulnuo zuizing hithei uhi.

Tukum 2020 khu ei ading in i deipen i teel thei hi. Sapsietna maw, gualjawlna..? Mangpa kammal Bible ahibang a gingta gualjawlna; ahilou leh eima mit a imu pibawl a ginna nelsie a sapsietna; ideipen teelvai. Mangpa'n Ama kammal gingta a eima thei kisahna a kingalou a 2020 agualjawlna bukim tang dingin athu guoljawlta hen, Amen.

KUMLUI MANGPHA LEH KUMTHA CHIBAI

- Cont. Editor Upa Khupsuankham

Late 90:9 “Aziehpén ka damsung nite leh na thangpaina ah abeimang zel a, ka damsung kumte uh khatvei nahhuoi bangin ka beisah zel uhi”.

Thumapui: Kum 2019 Khristmas leh Kumtha khu Hattuum chin in kipahtah a i manchiet zieh un lungdamthu i Pasion kungah itut masa uhi. Hattuum khenkhat in ni 3 bang tahsa guolnopna maia mang hilou a Hagau lama khanletpi lasahte thugente, nekhawmte dawnkhawm te leh laasa a lengkhomte bang anop thei mama chi thu izah zieh un Mangpa'n thupina tangta hen.

Pasion panpina toh Khristmas leh Kumtha pawilawm zouta ua, i kipahna leh i thalopna te leh i kipieh zaw dante uh inei, ilam phal ituoh dante uh khu tu in adai siengta a leisiet vai asuohta hi. Khristmas leh Kumtha lawm zou tananlei

kingaisut tha a ikipah zing ding un, ikichiel uhi. Phil. 4:4 na i etleh “Mangpa ah kipah ngitngat un, ka chi kia ding kipah un” achi bang in ikipah zing ding uhi.

Laa khat in “Seplam khu kipahna ahi achi hi Mangpa'n

koima sum leh pai adeigaw sih a, ahivangin anasepna a zah ding a “Kipahtah a pe ding in ang dei hi”. Hunte tuiluongbang in aluong a tuisuogiet a akikhol bang in ihamte khu Mangpa kung ah akikhol khawm ta ding hi. Laibu leh news paper isim isim in isim zou chienga mun khat a ikoidap a inua et non lou leh mabang in kumlui a i hun mansate uh muolliem ta hi. Tangthu igen a igen zou chienga mangbei in kum 2020 mel imutah zieh un ikipah uhi. Koi ahiei khat in “Zani tuni khu zing chieng ahi, zing chieng khu tuni zani ahita ding hi” achi hi.

Hun ichi khu tuiluong bang aluong mihingte khaamthei guollou a peipei ahia, Upate’n “Hun leh tuiluong in koima angah sih” ana chi bang ua peipei ahia, houtang theilou a, apei ngai a pei ahi hi. I khuttawng a nai (watch) i bulai inua heh imaheh vangin a pei ngaingai a apei veve bang ahi. Mihing ten tukum vang kum hoilou mishi lah tam Gari accident lah tam Moulawm lah tam, Mouha lah tam vangphatna leh vangsietna lah tam natna tuomtuom lah tam kum hoilou hiva chi’n akum pen kum hoilou in ingawh zel

ua, akum leh ahah ah bangma hoina leh hoilouna a umsih a, a hun sung leh a kum sung khu silhoi ahia, silhoi leh ahoilou hing tung zel ahi bou hi.

Ephesa 5:16 na i etleh “Nite ahoilou ziehin hun lemtang kinei un” chiin ang nahil a, tam khu hun mandan siem china ahia, silhoi bawl na ngen a i hun izah uleh hun mandan siem ihi ding ua, bangma bawl uleh hun mandan siem ihi ding ua, bangma bawl nei a i um leh hun manghoi ihi ngai sih ding ui.

Kumte ang bei a, atha ang tung zel a, mihing zong ang pieng a akishi zel hi. Leitung ah sil imu thei zousie kihenglou a a umdan pangai a umden khat ma zong a um sih a, hinanleh “Pa Pasian leh Mangpa Jesu khu kumtawn in angai in a um zing hi (Heb. 13:8). Tam khu sil kipahhuoi pen ahia, i Pasian umzie bang kiheng thepthup henlen, Mangpa Jesu lungsietna te leh ginumnate bang kilamdang taleh sil buoihuoi asuohta ding hi (Mat. 3:6) ah “Azieh khu kei Mangpa ka hia ka kikhel ngai sih hi. Tuaziehin nou Jacob tate aw suhchimit a umlou nahi uhi” achi hi. Pasian gin umnate leh lungsietnate akikhel ngailou

chienga kumtawp tan a bit leh muong a um lel ihi bou uhi.

Kumlui a i Mangpa Jesu pienni Khristmas iman zou nua un dihtah a na mang leh Khristmas ana mang masate tanchin tamlou en vai.

= Pawnlah a Belampu ten abelam te uh aching ua, zanlai in gamlah a agiehlai un Mangpa Vansawltah khat akung uah avakilah a, Mangpa loupina in akimvel uh ataanvah a, azau mama ua, Vansawltah in akung uah zau sih unlen, ngai un, michiin a dingin Khantanhohi thupha kipahhuoi mama noute a dingin ka hing puo hi, tua khu “nou a dingin David khawpi ah hundampa apiengta, Khrist Mangpa khu achi hi (Luk. 1:8-12). Tuachiin Belampu ten zong ka gim katawl chilou in azan a pei in Jesu khupbawh in chibai buh in abe ua, a belam chinna lam uah akinuale kiata zinzen uhi.

= Aahsi lam theina nei suolam mipil ten Jesu pienna Bethelam lam ah Aahsi enkawm in azui ua, Jerusalem a kumpi Herod kung ah Judate kumpipa Bethelam a pieng Aahsi tungtawn in ka mu ua abe dinga hing pei kahi uh, achi ua, (Jer. 23:5, Kisimna

24:17). Herod in atheiphet in lamdang kisa in Jerusalem leh akimvel a mipil zousie ahankhawm a, Khrist pienna ding mun a dongta a, amaun a Judia gam a Bethelam achi uhi (Mika 2:3). Kumpi Herod in suolam mipilte a guhin a han a, vapei unlen ken zong kang bieh theina dingin hing kilekia bou un aw chi'n avaihah hi. Tuachin mipilten Aashi azui zel ua Bethelam bawnginn tung aphah in a khawl a, Jesu pienna amuta ua, a goubawmte uh hong in, bawhkhup in Ngunn, Begaw leh Mura te pie in chibai buh in abie ua, Vansawltah thuhil dungzui in lampi tuom ah akinuale ta hi.

= Jerusalem ah Simeon kichi khat a um a, Pasian ngaisah leh midihtat ahia, Israelte hamuonna ding a ngah zingpa, Jesu Khirst amu masang a shi lou dingin Hagau siengthou in theisah a, anu leh apa'n Biehinna sung ah ang pui ua ana aang pom a, Mangpa aphatta a, Mangpa tu in vang na suoh khu hamuong tah a pei ding ka hita a, tu in vang ka mit ngel in ka hundamna khu ka muta (Isai. 52:10) chi'n lungdam thu agen hi.

= Aser nam a mi Phannel tanu Anna kichi numei guolnei khat a um a, ama khu tesepe ahita a, apasal kung ah kum sagi aum a, (Joshua 19:24) ama khu meithai kum 84 ahia, Biehin pawtsan lou in sun leh zan in ann ngawl in athum zing a Jerusalem ah tatna ding lamem photna kung ah Jesu tanchin a gen thangeta hi. “Tukum Khirstmas Pasion deina bang in imang na uoi eima leh eima kinuavel phavai” KUMLUI MANGPHA KUMTHA LIMLANG (Mirror for the year).

“ Hing itsem ing nang malai sang in tu in” hing iitsem ing

nang kumlui sang in tukum in” “Tuni in nouten bang e nadei uh, Hinna leh shina, Pasion guoljawlna e, Pasion sapsietna e, na tel uh adei tel uh hing theipi dingin van leh lei ka han ahi. Hinna kitel un” (Deut. 30:19).

A tung a i Bible tang tel in eite thupi kaal ah khat zawsang thei dingin ang dei a shina e hinna? Guoljawlna e sapsietna? Pasion in hinna kitel dingin ang dei hi. Nang in bang natel ei? Tami khu masot in kumlui iman dan uleh kumtha imandan ding uh enva ui.

KUMLUI SUNG IN NOUMA INNSUNG AH

1. Na ji na pasasl toh bangzat vei na kiphunsan ei?
2. Na naute, na moute toh na kihau kha ei?
3. Na nu, napa thu awilou in bangzat vei na um ei?
4. Innsung na kituohmaw zieh un lawsapna na tuoh kha uoi?
5. Innsung na kituohmaw zieh uh nahamsietna te uh khuol in.
6. Pasion thu nazuila zieh a vangsietlaw na kisahna a um ei?
7. Pasion thu lam a na innsung uh na ki deisahla dan uh nagel doh thei ei?
8. Innsung leh khawlai ah midangte lungtang natna in na umkha amah? ngaisut in.
9. Bible bangzat vei nasim ei?

TUKUMTHA SUNG IN 2020

1. Na ji natate bangchi pui nasawm ale?
2. Na innsung ah nasep silbawl dan ding vai bang nachi hawm ding uoi? Nou innsung in.

3. Na innkuon ua Missionary nasep a panlah ding dan kihoulum tum in.
4. Innsung siemtha dan ding innkuon un toukhawm unlen ngaitua un.
5. Innsung maitam a regular theitawp a bawl dingin kilan un.
6. Kumlui sangin ngaidamna hauzaw dingin chingkip sawm un aw, ngaidamna haute milungnopte ahi uhi.
7. Khotaang hinkhuo ah na phattuom ngaina suhlat sawm un.
8. Innma, louma ah zong kumlui bang a na khan zawh ua nei leh lam tam zawsem lam dingin pan latha un.
9. Pasion gam nasepna hinkhuo ah kizang tamzaw dingin pan la un.
10. Ei Pasion tate a dingin, Bible sim apoimaw pen ahia, sim tam tum un, “Aban laikung khat la inlen gielbe un...”

KUMLUI MANGPA LEH KUMTHA CHIBAI.

KITHOINA HING LEH SIENGTHOU LEH POMTAH

Rome 12:1-2

Samuel Khamsuankhai M.Th, GBC Lecturer

Background: Rome Hattuum pen Paul na dindoh zong hilou Pentecost ni a Jerusalem a nuazuiten Pasion thu ana gen lai ua piengthate Rome apat hing kipan Jew mite’n Rome a akinuale ua ana dindoh uh Hattuum ahia, alaibu pen ahileh, mihing in Pasion ataisan a Khrist tungtawn a Pasion leh mihing hing kilem kia in, tuazou a Jesu Khrist gingta Khristiante hing dingdan te khu Paul in ana gen ahi.

Tuaban ah, Thuhun lui i et chieng, kithoina kilat chieng in ahileh ahoi pen, athau pen chite hi Pasion dei dan ana hi gige hi. Tuachima bang in Paul in zong tua kithoina silte bangma a siengthou ding a Pasion in eite ahing dei ahidan tami chang te tungtawn a imu thei hi. Hinanleh a kikhietna ahileh, Thuhun lui kithoinate tha in a um a, gingtute kithoina ahileh Jesu Khrist shina tungtawn in hinna ahita hi.

Kithoina hi Greek ham in “thusian zosan” akichi a, tua khu sil um ngai mawngmawng lou ana hia, Greek te leh Rome ten zong ana neilou uhi. Kithoina khat pou pou khu ashiding, Pasian kung a apieh khiet ding chi ana hizing a, hinanleh Paul in hitah a na sapum uh kithoina hing hi ding in kilan un ana chi hi. Tuapen nahinna uh Mangpa a ding in pekhie un ana china ana hizaw hi. Khenkhat ten Pasian a ding a kipe khie ichichieng in, Missionary akuon, Bible jil ding, Pastor hi ding, Evangelist ding sese in ingai ua, tuate mai khu Pasian a ding a kipekhie ana hisese lou hi. I hinkhuo a Pasian deilam a hing khu Pasian a ikipieh theina ahi. Paul in na sepna bawl in, na ne na dawn hitaleh sil zousie Pasian thupina ding in bawl in ana chia, tuami khu zong Pasian a ding a isa pum khu kithoina ana hizing hi.

Bang chi dan a kithona hithei ding e ichi chieng in, eite hinkhuo tungtawn ah Jesu Khrist vahna ahing kilang ding a, i hinkhuo a Jesu Khrist ahing vah chieng in ei a um Jesu Khrist khu kithoina ana hilaijng hi, tuami in vahna mute kung ah hutdamna thu

gen hi. Nang kithoina hilou in, nang tungtawn a Jesu Khrist kithoina na suhlat ahizaw hi.

Siengthou ichichieng in Greek ham in chini a um a, “Agion” leh “Hagnos” ahia, A umzieh ahileh Agion ichi chieng in dembei china ahia, hagnos ichi chieng Pasian mai a ding thei ding a siengthou china ana hikia hi. Tami hagnos in lungsim siengthou na lam ana gen a, hinanleh Agion ichi chiengin ahileh lungsim mai hilou a tahsa a siengthouna, dembei, genbang lou a umna a ensah hi. Tami chang ah Paul in Agion ana zang a, tuami ahileh gen banglou, dembei a hinkhuo zah ding ahidan agenna ahi hi. Tami hinkhuo apoimawna mama ahileh, genbang aum mi khat in Khrist vahna asulang thei sih a, miten ama ah Jesu Khrist amuthei sih uhi. Tuaziehin hinkhuo zahdan a Siengthou apoimaw dan Paul in na gen hi. Hutdamna thu phuonzah khu kei a na hisih na chi kha maithei gingtute zousie pen Pasian gam keh lien ding a thupieh te ihi ua, tuakhu athu a i vagen theilou ta in zong ihinkho a latsah apoimaw dan Paul in agenna ahi.

Pomtah ichi hi Greek ham in “euareston” akichi a, aumzieh ahileh Pasian lungkimna ana hi hi. Tunin ihinkhuo ki en talei Pasian a dingin pomtah ahinai, Pasian lungkimna ahinai. Kingaituo tha vai, i hindan, ikhoheidan, i innsung mi ngel, i u-inau zong alungkim zoulou leh Pasian lungkimna bang chin ihisah zoudiei? Gingtuhinkhuo ichi khu mohmai ana hilou dan hi gingtah mai ahunlou ahia, iginna khu Pasian a ding a pomtah ahingai ana hidan hi. Tuachilou in ginna shiinei kha ding zau huoi mama hi.

Tami chang tawpna ah, ei Bible ah, tua khu na bawl ding ua kilawm mawng ahi, akichia, hinanleh Greek Bible a ka etchieng translation dihtah khu tuakhu hagau a na nasep uh ahi chi ana hizaw hi. Agen ut umzieh ahileh, na hinkhuo ua, na sapum uh, kithoina hing siengthou leh pomtah ahiding khu Hagau a nasepna uh ahi china ahi. Eite’n hagau a nasep ichichieng in, lim a laam sese a, Amen chi sese ding dan in ina koi a, tuamai ana hilou dan hi, i hagau mi hina zong i hinkhuo tungtawn a kithoina hing siengthou leh pomtah hi tungtawn a suhlat theizing ahi.

Gingtute’n Pasian Hagau itang chiet a, tuami Hagau in Pasian a dinga hin dingdan ahing theisah zel a khumi izah lou leh iginna pen ashi ana hizel hi. Tuaban ah ei ham a nasep silbawl chi pen Greek Bible a tami chang a, ‘Latreian’ ana zang a, tami thumal Greek dictionary in agen dan in ahileh, a umzie khu mi hat a ding a ahinkhuo zousie kipumieh e.g. suoh te apute uh kung a akitulutna uh toh tehkah inana gen a, nasep maimai hilou in kipumpiehna, zong ahi. Amin a sep ding ahizieh a sem hizawlou in kipumpieh kom a Hagau zousie Mangpa a ding a pekhie achina ahi. Tuami khu tahsa a, i sapum Pasian a ding a ipieh khiet pen in ana etsah ahi. Tuaziehin tun Biehin mun, guoh hilou a, inasepna mun khat pou pou ah, i hinkhuo zousie, iheidan itatdan ah Pasian a ding a isapum kithoina hing siengthou leh pomtah hi dingin simtu zousie Mangpa’n hing guoljawl chietta hen...!

LAMKAITE INCHARGE KIPIE UH

16th Zou Presbyterian Church Synod Session R/No. 26, in apuasah bangin 22nd January 2020 (Wednesday) 11am in Synod Office Bearers-te lamkaina in Executive Secretary te incharge kipie uhi. Rev. Stephen Chinzathang in Rev. Khamchinkhai kung ah Senior Executive Secretary mawpuohna pekhia in, Rev. Khamchinkhai in Rev. Dr. Hangpi Manlun kung ah Executive Secretary mawpuohna pekhia hi.

ORDAIN SUUNNA

Upa Pumzalal Kum 57

1. Tanchin tomkim: Phamsa Upa Pumzalal kum 193in Behiangtung ah pieng a Dated 8th January 1986 in aji iit Mrs. Niangkhanman toh Rev. Kamkhosoi khut ah ana kiteng uhi. Ta pasal -3 leh Numei-2 anei uhi. Tu mintap-3 amaute: 1) Mr. Lalzalun (2) Mr. Laisienmung leh (3) Mr. Lalminlien te ahi: Ama apat tu melmu Numei-1 leh pasal -2 nei hi. tualeh Dated 12th April 2001 kum in Behiangtung Upa dingin teelching in um hi. Dated 16th December 2001 kum in manipur Gam Presbytery kumtawp khawmpi ah Moderator Rev. Stephen Chinzathang in Behiangtung Hattuum kem leh enkol dingin khawmpi thaneina toh ORDINATION pie hi.
2. Akizahnate: Kum 2005 apat 2018 tan Behiangtung Hattuum ah Lcal Chairman ana hi ton tung hi. Ama mi nunnem leh mi polnuom ahi. Tam banga Pasian nna asepa leh a Hattuum kep leh etkol te khietla huoi leh lahlaw mama nanlezong tami khovel i inn det hilou a ikhuol zinna mai ahina toh damna ngai in a innsung miten theitop suo in enkol ma nan uleh zong a itt angaiteng nuasie in dated 5th Janury 2020 niin gimgentheina thuoh talou dingin Van khopi a hing zotsan tahi. Ama i it thu leh i suun thu tam i Khristian Tangkou tungtawn in ipuong uhi. Mangpa'n anuasie a Hattuum mite, aji, atate hamuon in umpi zing taken....! Adamlai a laa deite:
 - 1) Ka buoina simlei gamdai ah Latha No. 64
 - 2) Sunni tumlou Zion khoi Latha no. 138.

ZPUF Column

November 23, 2019 apat January 07, 2020 tan a Tunnu Limbel panpina pete:

1. Pa Paulal, Aina (Innsung maitam)	Rs. 410
2. Mrs. Flora Hatnu, UK	Rs. 22,000
3. PWF Lailam Veng, Anntang Kg. 140 &	Rs. 400
4. Pa Kamkhogin, Central Church	Rs. 600
5. PWF Imphal, Anntang tang	Rs. 3,260
6. Nu Nousuanniang, Central Church	Rs. 500
7. Pi Niangpi w/o Hausuanthang, MDC (Nov.-Dec.19) Zomi Colony	Rs. 2,000
8. PWF Awnchinkap Khuo Anntang Kg. 34 &	Rs. 1,050
9. P. Niangngaiching, Zomi Colony	Rs. 300
10. Thangsangching, Zomi Colony	Rs. 200
11. Haukhanpau, Shillong	Rs. 3,000
12. Upa Ginsuankhai, Tuining	Rs. 700
13. Chingboi, Tuining	Rs. 200
14. PWF Delhi	Rs. 2,000
15. Dimneiching, Central Church	Rs. 2,500
16. Nu Nousuanching, Central Church	Rs. 500
17. Tv. Ginsiankhup, Central Church	Rs. 500
18. Pa H. Kapneithang & Family, Central Church	Rs. 2,050
19. Vungisianman, Lailam Veng	Rs. 2,600
20. Paunou, Central Church	Rs. 500
21. Esther Neiching, Central Church	Rs. 500
22. Rev. H. Nengzatun, Central Church	Rs. 1,000
23. LCC Tuibuang, Christmas gift	Rs. 2,000
24. PWF S. Muvanlai Khuo, Christmas gift	Rs. 1,000
25. PWF Sugnu, Christmas gift	Rs. 1,500
26. PWF Zomi Colony, Christmas gift	Rs. 2,000
27. Upa Thatchinkhai, Tuining	Rs. 100
28. Pauliankhup, Tuining	Rs. 100
29. Upa H.T Manga	Rs. 100
30. PWF Lailam Veng	Rs. 3,500
31. Lunzangai, Central Church	Rs. 100

32. PWF N. Khaukual	Rs.	1,000
33. PWF T. Munnuam, Anntang taang	Rs.,	1,100
34. PWF Tangpijol, Christmas gift	Rs.	1,600
35. Nu Nuamkhoniang, Zomi Colony Christmas gift	Rs.	500
36. Mannianching, Lailam Veng	Rs.	1,000
37. PWF D.Phailian, Anntang	Kg.	40
38. PWF Thingkangphai, Anntang	Kg.	40
39. PWF LDCC Hiangzou Anntang	Kg.	58
40. PWF Chingmang Khuo, Anntang	Kg.	26
41. PWF Khuainuai, Anntang	Kg.	37
42. PWF Behiangjang, Anntang	Kg.	52
43. KWF Tuila, Anntang	Kg.	25
44. PWF Saiboh, Anntang	Kg.	50
45. D. K Thang, Tongdam Anntang	Bag	2
46. P. Church Behiangjang-Christmas gift		
1. Nu Donhat	Rs.	50
2. Chingngaikim	Rs.	20
3. Manboi	Rs.	20
4. Nuomchin	Rs.	50
5. Niangkhanman	Rs.	20
6. S.Lamneikim	Rs.	100
7. Nianmuanching	Rs.	10
8. Niangneikim	Rs.	50
9. Deikhanching	Rs.	20
10. Nuampi	Rs.	50
11. Mangngaiching	Rs.	50
12. Ningzahoi	Rs.	20
13. Vungsuankim	Rs.	100
14. Ngaikhannian	Rs.	100
15. Hatnu	Rs.	50
16. Niangneu	Rs.	100
17. Nianneihat	Rs.	50
18. Vungnou	Rs.	100
19. Pauchiinlian	Rs.	100
20. Niangkhoodim	Rs.	50
21. Langminlun	Rs.	50
47. ZPCS Muollum :Tunnu Limbel, 2019		
1. Rev. Dr. Hangpi Manlun	Rs.	20
2. Upa Zamthang	Rs.	340

3. Pa Suanpau	Rs.	100
4. Pa Kam en thang	Rs.	20
5. Pa Nehkhantong	Rs.	10
6. Tv. Dodong	Rs.	20
7. Nu Vungtum	Rs.	20
8. Pi Dimkhannel	Rs.	20
9. Nu Vungsuonching	Rs.	20
10. Nu Chinghat	Rs.	10
11. Nu Suonnieng	Rs.	270
12. Nu Ngaiching	Rs.	30
13. Nu Dimhoiching	Rs.	60
14. Nu Zouching	Rs.	30
15. Nu Kimneiching	Rs.	50
16. Nu Niangngaiching	Rs.	30
17. Nu Nuomkhanngai	Rs.	50
18. Nu Chinlamching	Rs.	40
19. Nu Vungnuomching	Rs.	10
20. Nu Nemneivung	Rs.	10
21. Pi Vialvung	Rs.	10
22. KNP Hau Diamond	Rs.	70
23. Tv. Mangboi	Rs.	250
24. Tv. George Lialian	Rs.	300
25. Nh. Niangdeinian	Rs.	10
26. Pa Thangkhausuan	Rs.	90
27. Pa Kailal	Rs.	50
28. Nh. Ngaineinuam	Rs.	10
29. Nh. Chingdei	Rs.	10
30. Nu Manhat	Rs.	550
31. Tv. Thangkhausiam	Rs.	50
32. Nu Vungngaihlian	Rs.	100
33. Tv. Chinlienkap	Rs.	100
48. ZPCS Muollum January, 2020		
1. Nu Chingngaimang	Rs.	10
2. Upa Lunmang & Family	Rs.	200
3. Pa Hangthang	Rs.	10
4. Nu Vunghaulian	Rs.	100
5. Pa Min Zou	Rs.	10
6. Tv. George Lialian	Rs.	10
7. Nu Nuomkhanngai	Rs.	10

8. Nu Dimhoiching	Rs.	10
9. Nu Suonnieng	Rs.	50
10. Rev. Dr. Hangpi Manlun	Rs.	50
11. Tv. Mangboi	Rs.	100
12. Nu Chinghat	Rs.	20
13. Nh. Chiinneihoi	Rs.	20
14. Pa Totong	Rs.	10
49. PWF Kanaan Veng		
1. Langkhanlian	Rs.	2,000
2. Goukhanlam	Rs.	500
3. Pausanglian	Rs.	100
4. Kamkhankhual	Rs.	500
5. Suanlianlal Samte	Rs.	100
6. Tinzamang	Rs.	500
7. Chiinkhannian	Rs.	100
8. Pauliankap Zou	Rs.	2,000
9. Nu Chingngaihne	Rs.	100
10. Khupzamang	Rs.	100
11. Rev. Awnkhankhup	Rs.	500
12. Mungkhankhual	Rs.	150
13. Thangsianmuan	Rs.	100
14. Pa Langkhansuan	Rs.	500
15. Upa Thangzasuan	Rs.	50
16. Chingsuankim	Rs.	500
17. Chingneihniang	Rs.	100
18. Nian en ching	Rs.	1,000
19. Sannu	Rs.	100
20. Nh. Ngainuamching	Rs.	300
21. Niangmuankim	Rs.	100
22. Lunngaiching	Rs.	50
23. Thangsuanmuan	Rs.	200
50. PYF Zomi Colony: Everyday 1kg, Sugar 1kg, Tealeaf 1packets		
51. ECT Students, Nehru Marg, Churachandpur te apat theitui leh cake ban ah naupangte hunzahpina.		
52. ZSP Joint Unit te apat: Anntang bag 1, Dal kg. 15, Biscuit 24pcs.		
53. Team Zolengthe te apat Sweet, leh Anntang Bag 1		
54. PWF Teisaljing Anntang Kg. 60		
Petu zousie Mangpa'n ale tampi in hing gualzawl taken!		

Khristian Tangkou

Vol. No. 55 || Issue No. 11 || November, 2019

Editorial Board

Editor : Rev. Stephen Chinzathang - 9863042789
ct_stephen@yahoo.com

Joint Editor : Rev. Khamchinkhai - 8730933744

Cir. Manager : Upa Jamsianmung - 9862086615
sianmung@rediffmail.com

Bus. Manager : Upa Kamgenpau - 8974612937
Shie T. Ginzahau - 8974438842

Cont. Editors : Upa Khupsuankham - 9856406454
Rev. Awnkhankhup - 9862828921
Rev. Dr. Hangpi Maunlun - 9862910875
Rev. Kaimuanlal - 9862923960

ZOU SYNOD ULIENTE

• Moderator:

Rev. Hangpi Manlun

• Moderator Elect:

Rev. Zamlianpau

• Secretary (Sr):

Upa M. Liensuonkap

• Secretary (Jr):

Upa Kapkhanthang

• Treasurer:

Upa Chinsuanthang

• Statistician:

Upa T. Langkhanmang

• Executive Secretaries:

Rev. Stephen Chinzathang

Rev. Khamchinkhai

A sung thu

- Editorial..... 01
- Thu tuomtuom & Thumpi ding..... 03
- Report 06
- Hing pieng ding Jesu 08
- Khristmas lungsim 12
- Immanuel 14
- Pastor leh Sangshiete 16
- Presbyterian Church of India 18
- Suunna..... 21
- ZPWF Column 22

Copies - 1200

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. (L) Upa Liansuanpau	6. Pu Khamchinthang	7. Pu S. Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkthothang	12. Upa Dr. M. Lachinkhai
13. Upa Khamchinjam	14. (L) Upa D.K. Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. (L) Rev. V. Vungzalian	20. Rev. Retd. Kamkhosoi
21. Rev. Retd. Tualzachin	22. Rev. (Rtd.) H. Nengzatun	23. Rev. Awnkhanhup	24. Rev. Dr. Hangpi Manlun Zou
25. (L) Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkthothawng
29. Upa Khaichinmang	30. Rev. Stephen Chinzathang	31. Pu Khupkhanmang	32. Pu Khaidohlian
33. (L) Hav. Khamzahang	34. Pi Vungzanuam	35. Pu T. Gouzadou	36. Upa Liensuonkap
37. Pi Zelkhochiin	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhanian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichiin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhozam
77. Upa (L) Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. (L) Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkholhing
93. Pu Hauliankap	94. Pi Chinnu	95. (L) Upa Ngulzakhai	96. (L) Upa T. Gougin
97. Pu Ginsuanhau	98. Upa (L) Langminthang	99. (L) Rev. David K. Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thathang Taithul	104. Pu Kamkhankap
105. Bhim Prasad Ghatani	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. Rev. (L) Mangsuanthang	115. (L) Pu Lamchinhau	116. Upa Pauchinlel
117. Nu Kimneihoi	118. Upa Kamgenpau	119. Nh. Niangsuannuam	120. Nu Ngaikhanvung
121. Pu P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. Upa Lunchinthang
129. Pu P. Tongthang Zou	130. H. Nehzamang	131. Pu Thangsuankhup	132. Upa M. Kamzadou
133. Pu Jamkholian Munluo	134. Pu Sianzakhai	135. Upa Thangginsuan	136. Pu Kapminlun

LIFE MEMBER-TE

01. Upa (L) T. Khupkhenpau	02. (L) Pu M. Ginzahau	03. (L) Pu Selzapau
04. Pu L.C. Pautungnung	05. (L) Pi Khamkhanneiang	06. Pi Ngainuom
07. Upa Chinsuanthang	08. Upa Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu (L) Tongzathang	14. Pi Chiinneilam	15. Upa Kulthang
16. H/Sm. Upa Kaichinpau	17. Pi Niangzalam	18. Upa P. Doukholun
19. Pu Kapminlian		

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. (L) Upa Liansuanpau	6. Pu Khamchinthang	7. Pu S. Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkhotang	12. Upa Dr. M. Lachinkhai
13. Upa Khamchinjam	14. (L) Upa D.K. Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. (L) Rev. V. Vungzalian	20. Rev. Retd. Kamkhosoi
21. Rev. Retd. Tualzachin	22. Rev. (Rtd.) H. Nengzalin	23. Rev. Awnkhanhup	24. Rev. Dr. Hangpi Manlun Zou
25. (L) Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkhotawng
29. Upa Khaichinmang	30. Rev. Stephen Chinzathang	31. Pu Khupkhanmang	32. Pu Khaidohlian
33. (L) Hav. Khamzahang	34. Pi Vungzanuam	35. Pu T. Gouzadou	36. Upa Liensuonkap
37. Pi Zelkhoichin	38. Pi Hatkhanvung	39. (L) Pi Ngaihoiching	40. Pi Mankhanniang
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmang	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhozam
77. Upa (L) Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. (L) Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkhohling
93. Pu Hauliankap	94. Pi Chinnu	95. (L) Upa Ngulzakhai	96. (L) Upa T. Gougin
97. Pu Ginsuanhau	98. Upa (L) Langminthang	99. (L) Rev. David K. Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thathang Taithul	104. Pu Kamkhankap
105. Bhim Prasad Ghatani	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. Rev. (L) Mangsuanthang	115. (L) Pu Lamchinhau	116. Upa Pauchinlei
117. Nu Kimneihoi	118. Upa Kamgenpau	119. Nh. Niangsuanuam	120. Nu Ngaikhanvung
121. Pu P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. Upa Lunchinthang
129. Pu P. Tongthang Zou	130. H. Nehzamang	131. Pu Thangsuanhup	132. Upa M. Kamzadou
133. Pu Jamkholian Munluo	134. Pu Sianzakhai	135. Upa Thangginsuan	136. Pu Kapminlun

LIFE MEMBER-TE

01. Upa (L) T. Khupkhenpau	02. (L) Pu M. Ginzahau	03. (L) Pu Selzapau
04. Pu L.C. Pautungnung	05. (L) Pi Khamkhanneiang	06. Pi Ngainuom
07. Upa Chinsuanthang	08. Upa Shanti Kumar	09. Pu Kamkhozau
10. (L) Pu Khamkhozau	11. Upa Khamzathang	12. Upa Chinkhanthang
13. Pu (L) Tongzathang	14. Pi Chiinneilam	15. Upa Kulthang
16. H/Sm. Upa Kaichinpau	17. Pi Niangzalam	18. Upa P. Doukholun
19. Pu Kapminlian		

Fundelivered

Please return to:

The Editor

KHRIŦIAN TANGKOU

ZPCS Office, Zomi Colony

Churachandpur - 795 128

P.O. Box - 48, Manipur, India

Synod Office Telephone No. (03874) 235105

Website: zousynod.org | email: info@zousynod.org

zpcs@rediffmail.com/zousynod05@gmail.com

To,
